

續增刑案匯覽

續增刑案匯覽卷九

目錄

鬪毆及故殺人

毆死正兇均無服制仍分親疎

無服親用兇器毆傷應抵正兇

亂毆致斃五命將原謀擬絞決

地保護賊糾毆照原謀加一等

沿海居民糾毆為從被殺二命

原謀糾毆致旁人毆死人命

刑律開身區區  
多言激忿釀命未便比照原謀

所糾之人被殺未便比照原謀

共毆人命幫毆之人亦被毆死

父子共毆父已監斃將子滅流

令子毆死買休妾父取保病故

餘人毆有重傷取保病故

強行拉勸誤揪人昏墜身死

被毆向追自行跌斃未便擬流

用銃抵禦失手掉地藥發殺人

失手掉落火繩鳥鎗誤傷人

施放鳥鎗致傷二人

線鎗打傷人

盜匪用火藥燒傷人

兩次殺人疑絞仍歸秋審辦理

在監軍犯毆死絞候人犯

屏去人服食

慮人病斃受累擡放野地凍死

賭火乘睡取衣致令寒冷自盡

爭取礦砂用草燒烟薰斃人命

戲殺誤殺過失殺傷人

口含煙袋取視鳥館藥發殺人

不知有人先睡鄰枕致斃人命

打毬戲耍誤傷背後之人身死

舞弄科鍾旋轉砍死身後之人

搥鎗打雀衣掛火機誤發殺人

曠野打雀滑跌鎗發誤斃同伴

曠野道旁擲棄石塊誤斃人命

用鎗擲戮羊隻誤斃同夥

因人借用鐵罐遙擲誤傷性命

因戲避其潑水向追之人跌斃

上牆站立不穩戮死扶救之人

拉人衣袖勸阻跌斃手抱幼孩

上前拉勸滑跌致身後人跌死

因戲傷人越日抽風身死

過失傷人抽風身死

過失殺傷人不得援救減等

因鬪拉翻船隻溺斃旁人二命

隣佑黑夜捕賊誤殺幫捕之人

黑夜捕賊誤傷工人身死

捕賊格鬪銃砂誤傷總麻服姪

田禾被搶用銃嚇放誤傷尊長

兵丁操演鳥鎗誤傷平人致死

樓枋朽壞不爲修葺壓斃人命

因瘋殺妻監禁後又因瘋殺人

夫毆死有罪妻妾

毆妻並非重傷致妻自盡

宗室職官毆傷伊妻自縊

救親情切毆死段姑之妻

毆死罵翁之妻並未親告擬抵

殺子孫及奴婢圖賴人

將服母之功兄扶送人家圖賴

子將嫁母屍身圖賴人

欲殺子圖賴人未將屍身背往

子死懷疑負屍恐嚇致人自盡

殺放出奴僕誣告人致屍遭檢

繼母殺前妻之子圖賴人

謀殺妾命誣賴胞叔威逼自盡

殺傷女圖賴人致女因傷身死

誤將幼子失手跌斃圖賴人

子聽從他人將父屍裝吊圖賴

父被兄毒斃後用血塗屍圖賴

弓箭傷人

敬神放銃誤斃人命

放銃誤傷人致瞎一目

庸醫殺傷人

爲人治病畫符針刺致斃人命

收生婦女不讀逆生致斃人命

圖與婦女通姦代爲畫符求子

婦女念咒書符給人治病

照玉匣記畫符治病騙錢

苗民捏稱法木治病騙錢

威逼人致死

姦夫欲買姦婦不遂逼死本夫

祖姑縱姦自盡翁因畏罪戕生

子婦犯姦氏兄護短逼姑自盡

縱姦之母被姦夫之父逼斃

媳被誘拐姑被拐犯訛詐自盡

逼媳改嫁不遂致翁忿恨自盡

姦婦因媳礙眼詈罵致媳自盡

妾犯姦致夫被翁斥責自盡

縱姦本夫欲行拒絕不遂自盡

買休之夫禁絕逆姦被辱自盡

犯姦業已悔過致夫追念自盡

刃傷姦本夫情急自盡

調姦有服親屬未成追悔自盡

調姦弟妻未成追悔自盡二命

圖姦弟妻未成殺死本婦

圖姦犯姦婦女致婦羞愧自盡

調姦致婦瘋發累及其夫自盡

調姦未成拒傷本婦致婦自盡

冒姦已成致婦羞忿自盡

首夥強行雜姦致被姦人自盡

調姦男子未成迫忿自盡

將人雜姦復行張揚致人自盡

調姦控官柳責結案婦復自盡

和姦刃傷姦婦致令羞愧自盡

因姦敗露致姦婦無服親自盡

和姦敗露致總麻尊屬自盡

和姦敗露致姦婦之夫姪自盡

和姦自盡二命并庸道理葬銀

和姦被拐脫逃致自盡三命

繼姦之案因姦收露姦婦自盡

姦婦畏罪求死姦夫給藥毒斃

穢語由於口角應以罪訊論斷

因濕被罵物人堂妹下衣自盡

被罵將人按倒脫褲恥辱自盡

與人妄談不端致婦聽聞自盡

毆辱婦女調處後追忿自盡

男子互詈牽罵其妻聽聞自盡

將夫背印一龜形致其妻自盡

因戲寫帖其妻犯姦致婦自盡

將誣騙之人拴鎖逼迫自盡

威逼人命復捏詞誣指旁人

一言致人父女戕生母亦自盡

索欠致人將子縊死

索欠致人殺死兩子復行自盡

毆傷總麻弟之雇工致令自盡

雇工屈家長大功親致婦自盡

地保素欠爭吵致婦女自盡

革役代為監生索欠逼斃人命

索將偏喪書識逼迫守傍自盡

續增刑案匯覽卷九

鬪毆及故殺人

毆死正兇均無服制仍分親疎

服盡親屬兩家互毆其毆死兇手之人亦係服盡親屬與兩造遠近相等並無親疎可分不得按例減流案載贈培父祖被毆條屬西司莫亞向三

安徽司 題柯嗣典因無服族叔祖柯泳祥戳傷伊共高祖族姪柯觀旺身死柯泳祥係律應絞抵正兇該犯亦登時將柯泳祥戳傷身死柯觀旺柯泳祥雖均係該犯無服親屬惟柯泳祥係該犯遠族叔祖柯觀旺係該犯共高祖族姪族分遠近卽情有親疎應將柯嗣典依兩家互毆致死一命其律應擬抵之正兇當時被死者無服親屬毆死例擬以滿流

道光九年案

無服親用兇器  
毆傷應抵正兇

亂毆致斃五命  
將原謀擬絞決

安徽司 題楊石義聽從楊石淋糾毆扎傷趙克智

身死並趙錫五砍傷楊石淋身死案內之楊蟾雲聽

糾共毆用黃螞頭刀砍傷趙錫五應以兇器論惟趙

錫五係砍傷楊石淋身死之正兇該犯係楊石淋無

服族叔如趙錫五因傷身死該犯例得減等今傷而

未死亦未便仍照兇器傷人科罪應於兇器傷人擬

軍例減一等杖一百徒三年

道光七年案

安撫 題李均因沙盾息等向伊索欠無償被罵該

犯起意糾同李加會等往毆各用鎗刀亂扎致斃沙

廣思等五命何人砍傷何人何處因時已昏黑各犯均未看清不知先後輕重該犯李均係屬原謀五命之戕雖非手刃於一人不得不歸咎於首禍自應均以原謀擬抵訛明沙廣思等並非一家將李均依共毆人致死亂毆不知先後輕重以原謀為首毆死三命而非一家例擬絞立決李加會等依兇器傷人例擬軍

道光十二年案先請部示說帖載卷三十

江西司 題方進俚等共毆捕役陳榮身死案內之吳添助因方進俚見夥賊被捕役陳榮拿獲共伊轉

地保護賊糾毆  
照原謀加一等

向陳榮助求釋放陳榮索增賄銀吳添助起意糾同  
方進俚等毆傷陳榮身死卽屬原謀該犯身充地保  
輒貪圖酬謝代賊行賄糾毆情節較重應於原謀滿  
流律加一等發附近充軍

道光四年案

沿海居民糾毆  
為從被殺二命

浙撫 咨陳觀海與周老張等有戲爭扭起意糾毆  
洩忿致糾往之劉阿四陳依才被周老張等毆傷身  
死核與同謀共毆因而致死原謀擬流之律不符惟  
該犯住居海邊輒敢執持鎗棍糾眾鬪毆以致慘斃  
二命陳觀海應比照廣東省糾眾謀毆致斃人命之

原謀糾毆致旁人毆死人命

案糾往之人但被彼造致斃者無論死者人數多寡及彼造有無原謀將此造起意糾往之人照沿江濱海持鎗執棍混行鬪毆首犯杖流例杖一百流三千里道光十三年案

河撫題范南貴因被孟德科辱罵不甘糾同何大營兒等尋毆洩忿孟德科被解勸之何大進毆范南貴固屬首禍之人第下手傷重擬抵之何大進並非該犯糾往未便仍科該犯以原謀之罪將范南貴比照原謀擬流律量減一等杖一百徒三年

道光六年案

多言激忿釀命  
未便比照原謀

河撫 題魏芬等共毆李淙蟻身死案內之杜上林  
訛止用言向魏芬聳激雖與原謀不同惟魏芬本無  
尋毆之心因杜上林激言致忿以致糾毆釀命一死  
一抵迴與尋毆當多言釀命者不同將杜上林比照原  
謀擬流律量減一等擬徒本部查杜上林以不干已  
事向魏芬聳激致魏芬糾人將李淙蟻毆斃係屬肇  
釀釀命若因其無故多言以致一死一抵亦不過酌  
擬柳杖應將杜上林改照不應重律杖八十酌加柳

號一個月 道光十年業

所糾之人被殺  
未便比駭原謀

共毆人命幫毆  
之人亦被毆死

貴撫 題熊沅糾眾共毆致其弟熊老么用烏鎗將  
宋長淋巾傷糾往之張石保又被彼造烏鎗傷斃若  
照原謀擬流其所糾之人究未致死彼造人命應照  
原謀量減一等擬以滿徒本部查熊沅糾眾共毆其  
弟熊老么鎗傷彼造宋長淋平復並未致死其糾往  
之張石保被彼造鎗傷斃命係肇釁釀命應改照不  
應重律杖八十加枷號一個月 道光十一年案

江西撫 咨雇主李芳華雇工高泰進共毆楊貴牙  
身死並楊貴牙先將高泰進毆傷斃命一案查楊貴

共毆餘人監禁  
將正犯減等擬  
流未便咨結駁  
令專本具題道  
光十六年廣西  
梁藍花三

牙先被高泰進鎗戳致命偏左額顛原係致死重傷  
維時楊貴身尙能爭毆迨被李芳華鎗戳右手腕骨  
斷即行倒地身死應以李芳華擬抵第李芳華係高  
泰進雇主其因高泰進先被楊貴身戳斃該犯將楊  
貴牙毆死核與親屬毆死兇手議減之例不符而高  
泰進既係毆有致死重傷之餘人自應遵照部議將  
李芳華比照其毆案內毆有致死重傷之餘人畏罪  
自盡及監斃在獄將正犯減流例杖一百流三千里

道光七年案請示說帖載卷二十九

父子共贖父已  
盜難將子滅流

吉林將軍 谷陳選同伊子陳景鮮在場園運麥適  
李泳貴馬匹跑來李泳貴尾追喚令接拿陳景鮮聞  
而越牆攔截被滑倒地馬匹益加驚跑無獲越日李  
泳貴令陳景鮮賠錢三十千陳景鮮斥其訛賴爭吵  
經陳選嚇阻將李泳貴勸回嗣陳景鮮出趕牲口回  
至門前見李泳貴持刀嚷罵陳景鮮回罵被李泳貴  
用刀毆傷顙門陳景鮮用棒向李泳貴亂毆陳選聞  
鬧出護李泳貴卽用刀向砍陳景鮮毆傷其額角等  
處倒地陳選拾刀砍傷李泳貴兩脚踝筋斷骨損殞

命將陳景鮮依共毆下手傷重律擬絞陳選依刃傷人照父兄同行助勢加一等擬杖九十徒二年半會核題覆行文在案旋據咨報於未奉部覆之先陳選在監病故查陳選所毆亦屬致死重傷核與減流之例相符該將軍雖漏未聲請自應按例將陳景鮮照共毆案內餘人毆有致死重傷到官以後未結之前監斃在獄准其抵命將下手應絞之犯減流例擬杖一百流三千里

道光十八年七月題結奉天刑案

今于毆死買休  
去父取保病故

謀故殺罪人雖  
加功之從犯監  
禁未便擬其國  
之例將首犯減  
原案職績增罪  
人拒捕條

舊例刊案匯編

安徽司題王保愚因伊父王文鄉欲令買休之妾  
陳氏赴場看禾不理向斥被推主令該犯等幫同將  
陳氏毆傷身死惟王保愚所毆傷重應以擬抵陳氏  
係于文鄉知情買休之人應行離異雖已生有子女  
不能爲王文鄉之妾卽不得爲王保愚之庶母應仍  
照凡關定擬惟原謀王文鄉在監患病因年逾七十  
取保病故自應准其抵命將王保愚照其毆案內遇  
有原謀病故將下手應絞之人減等例杖一百流三  
千里道光十四年案

卷九

刑律人命

六國毆及故殺人

餘人毆有重傷  
取保病故

廣東撫 題李庚孫與李亞四共毆李枝全身死李  
亞四於取供後在保病故訛明李庚孫係後下手傷  
重致死將李庚孫擬絞具題本部查李亞四先用鐵  
鋤毆傷李枝全腦後等處均非輕淺即李庚孫不復  
向毆亦難保其傷不致死今李亞四既於到官後在  
保病故自應准其抵命將下手應絞之人減等擬流  
駁令另擬茲據遵駁將李庚孫改依其毆餘人毆有  
致死重傷監斃在獄與解審中途病故者准其抵命  
將下手應絞之人減流例杖一百流三千里

道光四年案

行拉勸誤揪  
人醫冀身死

直隸司 查律載共毆人致死下手致命重傷者絞  
監候等語此案景干因見胡兆年被總麻弟胡兆申  
索欠爭毆胡兆申用木棍將胡兆年截傷該犯上前  
解勸左手奪住胡兆申木棍右手將胡兆年攔開胡  
兆年由該犯身後繞至胡兆申身旁袖欲拚命該犯  
冀圖拉開順用右手揪拉一時忙亂失手揪住胡兆  
年襟帶致將胡兆年頸物啞藥揪傷殞命該督以該  
犯傷由誤揪死出不虞惟愷起強拉非耳目所不及  
第無爭鬪之情未便利以鬪殺之律將該犯於鬪毆

殺人絞罪上酌減擬流具題臣等查人命案件業經  
訊明致死情由卽應按律擬抵不得曲爲開脫致與  
定律不符今景千見胡兆年與胡兆申爭毆上前拉  
勸雖無割毆之心惟因胡兆年復向胡兆申拚命用  
手向胡兆年揪拉卽不得爲無辜鬪情形其揪傷胡  
兆年墜物腎囊身死自應依其毆人致死律擬絞該  
撫將該犯於鬪殺上量減擬流殊屬輕縱且詳數案  
情該犯拉勸之時並未轉身向下卽使用手揪拉亦  
應傷在上身何以遽能揪及腎囊是其所供一時口

被毆回追自行  
跌斃未便擬流

亂失手尤難憑信案情既未確實引斷亦未允協罪  
關生死出入應令該督嚴訊確情按律妥擬具題到  
日再議道光十六年說帖

江蘇司 查律載鬪毆殺人者不問手足他物金刃  
並絞監候等語此案郭三子因與王嗣磨口角被罵  
該犯用拳毆傷其右眼胞當即逃跑王嗣磨追趕被  
隣船椿繩絆跌倒地在椿上墊傷身死該撫以死雖  
自行跌斃靠坐所由固未便將該犯僅科傷罪若竟  
照鬪殺擬絞究與毆傷致斃者有間將郭三子依鬪

毆殺人絞律量減擬流且題臣等查鬪毆之案或死於被毆之傷或因兇犯之追毆以致失跌身死均不能不坐兇犯以絞抵之罪至與人爭毆之後業經釋手跑走死者因自向追趕失跌斃命則事出意料之外與鬪殺情形不符故臣部從前辦理似此案件均係酌照不應問擲杖責不得概援鬪殺之律今郭三子將王欄擊毆傷當卽逃跑王欄擊因向追趕被格纜絆跌斃傷致斃死由向追自跌非郭三子意料所及自應接照懸斃辦成案酌科不應該撫將郭三子於

用銃抵禦失手  
掉地藥發殺人

剛殺絞罪上量減擬流殊未允協案關罪名出入應  
令該撫另行妥擬到日再議道光十六年說帖

安徽司 查例載因爭鬪擅將烏鎗竹銃施放殺人  
者以故殺論又其毆之乘原謀監斃在獄准其抵命  
將應絞之犯減等擬流其火器殺人照律擬抵不得  
率請減等各等語此案鄒金明聽從劉金華糾毆劉  
元林洩忿該犯攜帶鐵銃因被劉元林之子劉成明  
追逐情急用銃抵禦不期失手鐵銃掉地震動火繩  
事傷劉成明身死該撫以該犯先雖用銃抵禦而抵

鄉之時並未震動火繩其震動火繩係由鐵銃掉地所致與歷辦成案介在兩歧斬絞難於懸擬如將該犯照闖殺擬絞此案原謀劉金華業已監斃火器殺人應否照例減流咨請部示本部查火器殺人之案如係有心施放或爭毆之時持銃抵格觸動火機因而殺人均應按例以故殺論斬惟負銃被人毆打以致誤觸火機或負銃脫逃失跌銃發致斃人命均係思慮難周猝不及防方准照闖殺擬絞罪名各有區分引斷豈容牽混今鄒金明銃傷劉成明身死固由

失手掉落火繩  
烏鎗誤傷人

鐵銃掉地震動火繩所致惟先經用銃抵禦豈不知  
銃內裝有火藥可以震動傷人況該犯係聽糾尋毆  
其攜銃前往之時已蓄施放傷人之心與誤觸火機  
一時思慮難周偶致殺人者不同自應依例擬斬案  
關火器殺人雖原謀在監病故不准減等應令該撫  
詳覆案情速飭審擬具題到日再議

道光十六年說

直督

咨曹大駁糾眾持械尋毆案內之趙二攜帶

烏鎗跟隨同往因失手掉落火繩誤將白克貞放傷

究與實在施放烏鎗傷人者有間將趙二照施放烏

施放鳥鎗致傷  
三人

鎗傷人擬軍例量減一等杖一百徒三年

道光十年案

直督 咨艾圖用鳥鎗放傷李泳德等三人平復應  
依鳥鎗傷人發烟瘴少輕地方充軍例上酌加一等  
發雲貴兩廣極邊烟瘴仍以足四十里爲限面刺改  
發字樣 道光十一年案

線鎗打傷人

河撫 咨滿營蒙古閑散阿哩布與馬甲法與爭毆  
用線鎗打傷法興平復雖線鎗爲打雀所用與鳥鎗  
形式不同究係火器傷人阿哩布應比照因爭鬪擅  
將鳥鎗施放傷人例係旗人發寧古塔等處安置

道光十一年案

傷人  
誤用火藥燒

陝撫 咨曹景玉因血萬阮氏續姦被拒輒用火藥  
燒傷萬阮氏本夫萬泳通撲救亦被燒傷查火藥係  
放鎗砲之需術情比附實與鳥鎗傷人未死情節相  
類該撫將該犯依棍徒擬軍實未允協曹景玉應改  
照鳥鎗傷人例發烟瘴少輕地方充軍道光五年案

刑部人編  
仍歸秋審辦理

奉尹 題賈元興先後被傷王和唐三奇各身死一  
案查本年七月內河南省奏房旺魁因在原籍江蘇  
碭山縣糾搶民婦朱段氏姦古案內先經江蘇巡撫  
將房旺魁審依強奪良家婦女姦占爲妻律擬絞監  
候經本部會核於道光三年九月十九日題結係應  
入本年秋審之犯因該犯尚有扎死河南永城縣民  
姚年命案暫於秋審案內扣除解豫質訊嗣據河南  
省審明房旺魁供認聽糾共毆刃傷姚年身死屬實  
律應擬絞二罪相等從一利斷仍擬絞候聲明現在

續增刑案匯覽

卷九

刑律人命

三 關及故殺人

江蘇省秋審業經具題請將該犯房旺魁歸入豫省  
本年秋審情實等因本部照議奏結將房旺魁歸入  
豫省本年秋審情實辦理在案此案賈元興截傷唐  
三奇身死先據該府尹將該犯依闕殺律擬絞監候  
具題經本部照擬會核於道光三年七月二十日題  
結係應入本年秋審辦理之犯嗣據該府尹以究出  
該犯賈元興先於嘉慶二十五年另有截傷王和身  
死咨請於本年秋審暫行扣除茲據該府尹審明屬  
實以該犯截斃王和事犯在嘉慶二十五年八月二

十七日

大赦以前應准免罪將該犯仍歸讞死唐三音案內照原擬依關殺律擬以絞候應否將該犯入於本年秋審辦理之處聽候部議等因查該犯元興本係殺人逃兇復用刀戮傷唐三音身死係一人先後兩犯關殺該犯本係應入本年秋審之犯則因究出另案暫行扣除茲已審訊明確仍照原擬定案核與本年河南省奏結之房旺魁一起事同一律奉天司議將該犯賈元興歸入該省本年秋審案內辦理係屬允協應請

照辦道光四年說帖

在監軍犯毆死  
絞候人犯

晉撫 奏賈江眼三因觸犯伊父被送擬軍懲禁在  
獄與同監擬絞應入本年秋審罪犯張晉卿口角爭  
毆該犯見二門外放有鐵通條拾取扎傷張晉卿身  
死與死罪人犯在監行兇致斃人命者不同自應仍  
按關殺問擬將賈江眼三依關殺律擬絞監候

道光十三年案交備核過

屏去人服食

慮人病斃受累  
擡放野地凍死

安徽司 審疑徐二因安張氏寄養伊家貧難供給  
復因安張氏患病不能帶同孀房先將安張氏擡放  
新莊村外野地經人送回嗣復帶同安張氏欲借住  
傅二墳地開房行至中途因恐安張氏病斃受累起  
意商同傅二將其擡放土城坡下以致安張氏因病  
受凍身死查安張氏身穿衣服該犯並未脫下且擡  
放時復將棉被搭蓋其身上與屏去人衣服者稍殊  
該犯雖稱安張氏爲義母第未蒙撫養並非過房義

子可比應以凡人論將徐二比照屏去人服食因而致死絞律上量減一等杖一百流三千里傳二照不

應重律杖八十道光八年案

賭欠乘睡取衣致令寒冷自盡

東撫題張玉求因王其坤與伊同場賭輸指身穿

棉襖向該犯抵借錢文旋又輸盡復將棉襖脫抵與人攜去該犯索錢無償乘王其坤脫衣就寢將其棉襖攜取走回致王其坤寒冷愁急投井身死查王其坤雖由該犯屏去衣服愁急自盡惟究非因凍斃命張玉求應比照屏去人服食至死擬絞律量減一等

爭取礦砂用草  
燒烟薰斃人命

杖一百流三千里

道光十一年案

貴撫 題林麻么因與徐老四爭取礦砂用稻草  
子燒烟薰其退避致徐老四被烟薰入孔竅身死原  
驗口內有血流出其為被薰致死無疑惟例無明文  
將林麻么比照他物置人耳鼻孔竅中至死律擬絞  
監候

片核

道光十年案○有照關稅之案藏卷三十二記

威殺誤殺過失殺傷人

口含烟袋取視  
鳥鎗藥發殺人

直督 岑田黑因取視鳥鎗失落烟袋火星以致鎗  
發放傷高四身死岑田黑放傷高四身死固屬近於  
過誤該犯取看鳥鎗與高四坐處相距咫尺並非耳  
目不及且鎗內裝有火藥經高四當時告知該犯口  
含烟袋內有烟火鳥鎗經火即發人所共曉亦非思  
慮不到而該犯又非有心用鳥鎗施放他人因而誤  
傷高四斃命核與過誤殺人情節均屬不符應將由  
黑田照鳥鎗向有人居止宅舍施放傷人致死例杖

一百流三千里 道光九年案

不知有人先睡  
擲枕致斃人命

吉林將軍 咨王立田因赴王欽家借宿屋內黑暗  
不知王亮先已在炕睡宿該犯搬取石枕向炕投擲  
不期誤傷王亮殞命訊據該犯搬取石塊作枕向炕  
投擲實屬事出有因與無故投擲磚石傷人致死者  
有間將王立田比照無故向有人居住宅舍投擲磚  
石傷人致死擬流律量減一等杖一百徒三年

道光四年奉天司案

打毬戲安誤傷  
首後之人身死

安福司 咨邱拾致與陳三沅打毬戲要致傷陳久

舞弄秤鐺旋轉  
飲死身後之人

至身死查邱拴孜打毬時陳冬至並未在場共戲其  
陳冬至潛從邱拴孜背後走至邱拴孜意在擊毬未  
經看見迨將毬向前擊出不期從後拋去亦屬出於  
邱拴孜意料之外正與耳目不及思慮不到偶致殺  
人之律註相符將邱拴孜依過失殺人律收贖追銀  
給領道光四年案

安徽司 咨李如柏在宋邦正門首舞弄秤鐺戲耍  
適王廷輝從其身後走過該犯聽聞脚步聲轉轉身  
看視不期所舞秤鐺隨勢旋轉砍傷王廷輝額顛殞

命該犯於有人居止處所以可以殺人之具任意舞弄因而傷人致死正與向有人居止宅舍投擲磚石因而傷人致死律意相符應卽比律擬杖一百流三千里該犯年未及歲照律收贖仍追埋葬銀一十兩給屬具領道光四年案

協鎗打雀衣掛  
火機誤發殺人

河撫 咨胡穩成因見門外空地樹上有鳥巢鎗欲發旋因鳥飛未放提鎗轉身東走不期衣掛火機以致鎗藥觸發誤傷王士貴身死鎗由衣掛誤發與實在施放者不同應比照鳥巢向有人居止宅舍施放

曠野打雀滑跌  
鎗發誤斃同伴

曠野道旁擲棄  
石塊誤斃人命

傷人致死擬流例量減一等杖一百徒三年

道光六年案

河撫 咨韓怪兇因劉根林邀伊攜帶鳥鎗赴地打

鵲該犯負鎗在前行走下坡滑跌坐地不期震動火

繩觸線鎗發適劉根林尾後隨行誤將劉根林打傷

身死將韓怪兇照鳥鎗在曠野施放殺人滿徒例量

減一等杖九十徒二年半

道光九年案

川督 咨黃文志將石塊往後丟棄適值無名丐僧

從道旁小路走出致被擲傷身死核其情節固屬耳

目所不及第該處既有人行小路則黃文志卽應慮

及有人行走乃並不留心妄行拋石致傷人命實非  
思慮所不到惟查受傷之地係在曠野道旁究與有  
人居止宅舍有關自應酌減問擬將黃文志照無故  
向有人居止宅舍投擲磚石傷人致死擬流律量減

等杖一百徒三年

道光八年案

用鎗擲羊隻  
誤擊同夥

廣西撫 咨劉忠成邀同黃泳清趕打羊隻令其在  
園門攔守嗣羊隻竄至右離劉忠成用鎗擲不虞  
黃泳清跑撞攔捉以致誤傷斃命惟黃泳清係該犯  
邀趕羊同在園內非曠野無人可比乃率行擲鎗

困人借用鐵鏡  
遙擲誤傷致命

不加審慎將劉忠成比照向有人居住宅舍施放鎗  
箭打射禽獸不期殺人依弓箭殺人律杖一百流三  
千里道光十三年案

北撫 咨翁萬涇因李三沅赴塘車水灌田忘帶空  
土鐵鏡喊令該犯將鏡遞給該犯將鏡擲交致中傷  
李三沅偏石身死殺固出於誤中豈非起於爭毆惟  
不走近遞交遙擲誤傷斃命應比照無故向有人居  
止宅舍投擲磚石因而致死律杖一百流三千里

道光十四年案

因戲避其潑水  
向追之人跌斃

東撫 查高其崗雇與楊興酒舖傭工與劉三時常

戲玩高其崗在蒸酒水缸內洗臉劉三踵至抓土戲

撒高其崗面上高其崗用水向劉三戲潑劉三擦水

回潑高其崗起身逃避劉三追趕高其崗從酒糟堆

上跳過劉三在後追跳失足被酒糟滑跌倒地墊傷

後肋內損身死查高其崗因劉三抓土向玩用水戲

潑劉三擦水回潑該犯逃避從酒糟堆上跳過劉三

尾隨追跳失足被酒糟滑跌墊傷身死雖起於戲

玩高其崗之逃跳意在避且潑水已無戲玩之心與

上牆站立不穩  
跌死扶救之人

比較牽株堪以殺人之事為戲者不同劉三之尾追  
滑跌斃命實出該犯意料之外與耳目所不及思慮  
所不到初無害人之意偶致殺人之律註相符將高  
其崗依過失殺人律收贖道光十三年案交佛核遊  
川督 咨年甫九歲之劉九沅與年甫十三之向兆  
娃砍劈甘蔗賭論輸贏劉九沅買得甘蔗一根順取  
尖刀在手向兆娃先將甘蔗劈去一節劉九沅身材  
矮小劈砍不著攔爬上土塹不期土牆氣場站立不  
穩身向前撲維時向兆娃慮恐失跌忙攏扶救劉九

沅勢不自由致尖刀戳傷向兆娃額角越十二日因  
風殞命查劉九沅與向兆娃賭劈甘蔗本無關情因  
站牆上不期土牆鬆塌身向前撲向兆娃趕攏扶救  
致傷因風殞命實非意料所及將劉九沅照過失殺  
人律收贖道光十三年案交館核過

拉人衣袖攔阻  
致斃手抱幼孩

直督 咨楊飛林因被無服族兄楊步雲之子楊學  
名撞撞致相爭吵楊步雲因楊飛林欺侮其子至門  
辱罵適楊飛林外出未經聽聞嗣楊飛林同院居住  
之堂兄楊飛豹詢知前情以楊步雲爲此細事不應

尋爲卽赴揚步雲院內理論楊飛林慮恐滋事前往  
查看並向解勸楊步雲之妻趙氏懷抱甫經生育之  
小妮亦同拉勸楊飛林見趙氏抱有幼孩慮受驚嚇  
拉住趙氏衣袖合其不必上前趙氏不及隄防失手  
將小妮掉跌落地擦傷左太陽等處被跌受驚身死  
查楊飛林因恐驚嚇小妮拉住趙氏衣袖阻止近前  
致趙氏鬆手將小妮失跌受驚身死情非爭毆事出  
意外核與過失殺律內初無害人之意而偶致殺人  
之事相同將楊飛林依過失殺人律收贖

道光十三年案交館核過

上前拉勸滑跌  
致身後人跌死

陝撫 咨高子兒因見雷欣潮欲向雷登福撲毆上  
前拉勸不惟與已死張庭茂並無踴情卽與雷欣潮  
亦無鬪意因踏麥禾失足滑跌不知張庭茂在於背  
後轉身拾鏢將其壓撞側跌倒地致地下所遺鏢刀  
尖掃傷張庭茂額顱左高子兒實屬耳目所不及思  
慮所不到張庭茂所受撞傷最驗並未損骨業已結  
痂因傷處發癢自行抓落傷痂以致傷口進風越十  
八日身死雖因傷抽風惟罪坐所由核與足有蹉

因感傷人越日  
抽風身死

生員過失殺人  
許革收贖家嚴  
畜產咬傷人不  
河南陳那

續增刑案彙覽

跌累及同伴初無害人之意而偶致殺人之律註相

符將高子兒照過失殺人律收贖

道光四年案

蘇撫 題曹禮因蹲身在地割草被張小齊踏至背

後扳肩坐地曹禮用手向後掙住欲圖掙起致手內

簾刀招傷張小齊右脚面越十一口身死原驗傷未

損骨口眼歪斜確有抽風形狀將曹禮照因感殺人

以鬪殺論鬪毆之案原毆並非致命又非重傷越五

日因風身死將毆打之人擬流例杖一百流三千里

道光十一年案

卷九

刑律人命

三 毆殺誤殺過失

過失傷人抽風  
身死

過失殺人母子  
一命仍照律收  
贖道光八年浙  
省咨張勝高案

安徽司 冷陳鈺成手執兇刀從右向左橫掠割麥

適胡盛氏從伊背後突至左邊俯身拾麥陳鈺成因  
頭帶草帽兩邊垂下又被麥葦遮掩未及看見以致  
兇刀誤傷胡盛氏左額角越十二日抽風身死原贖  
傷痕並未損骨查過失殺人係准鬪殺律收贖在鬪  
殺之案因風身死在十日以外例得詳請減流則過  
失傷因風身死在十日以外亦應照流罪收贖依過  
失傷流罪追銀十兩六錢四分五厘給屬具領

道光七年案

過失殺傷人不  
得援赦減等

安撫咨武奉鳴過失傷聞咬住越十日因風身死  
該撫將該犯依准鬪殺絞罪上減等擬流囚事犯在  
道光八年十一月初九日

恩詔以前累減滿徒依律收贖本部查此係虛擬罪名應  
行收贖之案向不援引

恩詔仍應在該犯名下照過失殺流罪追銀收贖

道光九年案

因闖抽網船隻  
溺斃旁人二命

江蘇司

查律載因闖毆而誤殺旁人者以闖殺論

又闖殺者絞監候各等語此案邱阿蟾駕船進城探  
親見楊銀大等船隻在前行駛邱阿蟾因回家路遠  
用力急划欲搶過楊銀大等船隻致槳水潑進楊銀  
大船內濺濕楊毛氏等衣服楊毛氏喊罵邱阿蟾回  
言楊聽觀用篙將邱阿蟾船隻鉤住楊銀大楊毛氏  
起至船頭向邱阿蟾爭毆邱阿蟾拖拉楊毛氏過船  
欲毆致將楊銀大船隻拉翻在船之人一齊落水經  
邱阿大等撈救詎楊彩姐及妹楊愛姐被溺斃會該

撫以該犯因爭毆而誤斃楊彩姐等一家二命若竟  
照毆死一家二命例擬以絞決殊覺情輕法重且楊  
彩姐等死由於溺更與互毆致死者有間似仍應照  
因鬪毆而誤殺旁人律擬絞監候惟例無明文未便  
率定理合咨請部示本部查因鬪毆而誤殺旁人一  
家一命雖例無作何治罪明文惟謀故殺一家非死  
罪一人例應斬決臬示謀故殺人而誤殺旁人一家  
二命例止斬決不與謀故殺一家非死罪一人之例  
同科則因鬪而誤殺旁人一家二命之案自不得竟

隣伯黑夜捕賊  
誤殺幫捕之人

照毆死一家二命例定擬致與實在毆死一家二命者無所區別今邱阿蟾因與楊毛氏爭毆致將楊彩如楊愛姐誤斃致整係因鬪而誤殺旁人一家二命自應從一科斷仍照因鬪毆而誤殺旁人以鬪殺論律擬以絞候方與情罪相符所有邱阿蟾一犯應令該撫審擬具題到日再議道光十六年諭帖

四川司 查例載捕役拿賊與賊格鬪而誤殺無干之人者仍照過失殺律於犯人名下追銀十二兩四錢二分給付死者之家又律載鬪毆而誤殺旁人者

以鬪殺論鬪殺者絞監候各等語此案黃懷貴因葉  
先貴於起更時趕場轉回見營業牆後溝邊有四人  
影走出喝問不容往前跑走查看牆脚被宅一孔葉  
先貴知其竊賊思欲捕捉往約隣伯賴伸並黃懷貴  
等幫捕賴伸黃懷貴趕至賴文溥某地溝邊瞥見四  
賊喊掣賊人跑走賴伸用攜帶風鈎趕往抓賊被一  
賊扭住鈎柄拉奪黃懷貴在後慮被賊人奪獲把捕  
情急從後用小刀向賊人腿上截去賊人身往右閃  
不期誤截賴伸肚腹出命該督以死者係屬邀捕之



格鬪則致斃賊人尙應照擅殺律擬抵斷無誤斃無干反得照過失殺收贖之理今黃懷貴以隣佑聽從捕賊既與在官人役不同而該犯用刀向賊人戳去之時賊人方與賴仰拉奪鈎柄又非與賊格鬪者可比設使該犯將賊人戳斃自應仍依擅殺律問擬則其誤將捕賊之賴仰戳斃卽應仍依誤殺律科斷該督將該犯比依捕役捕賊誤殺無干照過失殺律收贖殊未允協非關生死出入屢耳該督按例委擬具

題 道光十四年設帖

黑夜捕賊誤傷  
工人身死

晉撫 咨張四會因張維寬偷竊哇底館鹽砂工人  
楊有幅揪住掙扎欲逃該犯用鐵頭木桿向張維寬  
戳毆張維寬閃避黑暗之中誤將楊有幅戳傷以致  
內損越日身死例無治罪專條惟該盜事同一例本  
夫登時捉姦誤殺旁人悉照誤殺旁人律擬絞則事  
主登時毆賊誤殺旁人自應比例問擬將張四會比  
照捉姦誤殺旁人例擬絞監候張維寬行竊張四會  
哇底館鹽被楊有幅揪獲並不俯首就擒掙扎圖  
脫以致張四會誤殺楊有幅身死實屬因竊釀命將

張維寬比照竊盜逃走事主追捕失跌身死將賊犯

擬徒例杖一百徒三年

道光十四年案

廣西撫 咨事主朱道經因與賊格鬪致銃砂誤傷

捕賊格鬪銃砂誤傷總麻服姪

無干之朱一中平復查朱一中係朱道經總麻服姪

自應依凡人竹銃傷人擬軍例按服制減一等擬徒

係因捕賊誤傷仍照過失傷人律收贖追銀給領

道光十四年案

廣西撫 咨盧璋因盧奇芬田禾被王丕緒等搶割

田禾被搶用銃嚇放誤傷尊長

該犯聽從盧奇芬將銃向空懸放冀圖嚇阻初無傷

人之心不期銃裂誤傷盧奇彩盧振二人查盧奇彩等係盧璋無服尊長犯時不知應同凡論將盧璋比照烏鎗向有人居止宅舍施放誤傷人者減湯火傷一等爲從再減一等擬杖八十仍照私藏烏鎗例加枷號一個月 道光十三年案

兵丁操演烏鎗  
誤傷平人致死

河撫 題歸德營汛兵朱金峰操演連環烏鎗誤裝鉛彈點放致將看視之民人潘貴容打傷身死例無專條將朱金峰比照圍場內射獸兵丁因射獸誤傷平人致死者照北較拳棒戲殺擬絞例擬絞監候

道光十一年案

手殺傷人

樓枋朽壞不爲  
修固壓斃人命

此律載虛費工  
力採以不堪用  
條

川督 咨陳良佐於樓屋橫枋既經朽壞並不預爲  
修固復在樓上堆放疎布多疋以致壓折橫枋塌壓  
樓下住宿之荆湧盛氣閉身死雖非陳良佐意料所  
及究屬疎於備慮陳良佐應比照備慮不謹而誤殺  
人者以過失殺論律准鬪殺罪收贖追銀給領

道光四年案

因瘋殺妻監禁  
後又因瘋殺人

河撫 題秦有祥因瘋砍死伊妻馬氏收禁在監後  
因瘋擲傷禁卒吳有立身死查秦有祥因瘋殺妻本  
應永遠鎖網復又在監致斃禁卒前後致斃二命應  
比照瘋病連殺平人一命例擬絞監候秋後處決係  
比例定擬恭候

欽定 道光六年案

夫毆死有罪妻妾

毆妻並非重傷  
致妻自盡

宗室職官毆傷  
伊妻自縊

北城察院 移送杜五兒因與妻計氏口角將其毆

責致氏氣忿投河溺斃查原驗各傷均非重傷將杜

五兒酌照不應聽律笞四十道光七年江西司案

正藍旗 呈報宗室佛爾圖寶之妻那拉氏自縊身

死查佛爾圖寶身係職官不能化導其妻輒因細故

推跌伊妻成傷致令氣忿自盡應照妻與夫角口致

妻自縊若毆有重傷者其夫杖八十係職官交部照

例議處

道光十四年江西司案

救親情切毆死  
嚴姑之妻

南撫 題陳小寒因妻張氏嫌貧欲令退婚改嫁將  
飯鍋打破經伊母訓斥將其毆傷張氏將伊母推跌  
騎毆該犯情切救護將張氏毆傷身死因伊母並未  
親告將該犯依夫毆妻至死律擬絞監候比照救親  
毆死卑幼例減爲杖一百流三千里仍比照毆死毆  
嚴翁姑之妻秋審可矜人犯照免死減等再減一等  
例杖一百徒三年 道光十二年案

陝死爲之妻  
並未親告擬抵

陝西司 查律載夫毆妻至死者絞監候故殺亦絞

又妻罵夫之父母而夫不告官擅殺者杖一百註云

父母親告乃坐又例載子孫有犯姦盜罪犯應死及

謀故殺人事情敗露被祖父母父母自盡者卽照各

本犯罪名擬以立決各等語此案李亥生因伊妻屈

氏不聽伊父李觀使令李觀斥罵屈氏不服回詈並

咒李觀何不早死經該犯詢知向屈氏訓斥屈氏撒

潑嚷鬧並自取麻繩套頸兩手分執繩頭稱欲尋死

拚命該犯將其推撲倒地屈氏復率及李觀叫罵該

犯一時忿激騎坐屈氏身上兩手執住繩頭用力拉勒身死李觀因李亥生勒斃其妻事由伊起到官難免問罪旋即服毒自盡該撫以李亥生之妻屈氏頂觸咒罵其翁雖非李觀親告有氏兄屈孝舉等到案供指可據惟犯父李觀愁急自盡實由該犯勒斃其妻所致未便僅照擅殺擬杖將該犯於子孫罪犯應死及謀故殺人事情敗露致父自盡絞決罪上量減一等擬杖一百流三千里其趙上等查該妻罵夫父母而夫擅殺因擬滿杖必須其父母親告乃坐律註

業有明文至子孫罪犯應死致祖父母父母白盡照  
本罪加擬立決之例係指身犯姦盜及謀故殺人者  
而言若所犯並非前項情節尤不得混行援引茲  
出入今李亥生因妻屈氏咒罵伊父李觀該犯一時  
忿激將其勒斃屈氏罵夫之父雖屬不孝惟伊父並  
未到案親告核與擬杖之律不符自應仍按殺妻本  
律擬以絞候俟秋審時衡情核辦乃該督置殺妻本  
律於不論而轉牽引子孫罪犯應死致父母白盡絞  
決之律量減擬流殊未允協案關罪名出入應令該

撫再行提訊明確按律妥擬具題到日再議

道光十七年說帖

殺子孫及奴婢圖賴人

將服毒之功兒  
扶送回家圖賴

北撫 容葉奇瑣挾嫌將兄劫之大功兒扶送陳添  
會家圖賴查葉奇瑣因病磨白欲誅死之處供證確  
鑿其爲並非葉奇瑣恣思服毒無疑惟葉奇瑣挾陳  
添會不允借貸之嫌將自行服毒之大功堂兄扶送  
陳添會家圖賴情殊刁詐應比照將期親尊長身屍  
圖賴人杖八十徒二年大功減一等律杖七十徒一  
年半 道光六年案

于將姪母屍身  
圖賴人

蘇撫 容僧鎖春先因毆死人命擬絞遇

赦釋免後披剃爲僧相依嫁母余符氏同居復與余陳氏  
通姦被本夫捉姦毆打輾乘余符氏病故移屍圖賴  
查僧鎖春係余符氏親子未便以子爲嫁母降服期  
年卽照期服科斷應仍依子將母屍圖賴人律杖一  
百徒三年係

赦後復犯加一等杖一百流二千里

道光十一年案

欲殺子圖賴人  
未將屍身背往

安撫 咨吳廷章因胡有資與伊妻馮氏通姦並向  
逼索欠錢爭吵走散適該犯幼子吳狗孩啼哭因喝  
阻不理一時氣忿起意將吳狗孩致死圖賴隨用刀

子死懷疑有屍  
恐嚇致人自盡

將吳狗孩割傷咽喉身死欲將屍身背往胡有賢家  
經其妻勸阻而止該撫將該犯依故殺子孫圖賴人  
例擬軍本部查該犯故殺伊子雖有圖賴之心並未  
將屍背往事尙未成將吳廷章改依故殺子孫圖賴  
人軍罪上量減一等杖一百徒三年

道光十四年案

江西司 谷章祥尊因獨子天亡疑謀干城砍樹犯  
煞所致糾同章安立等負屍前往謀干城家嚇令出  
錢殮埋齏醮因謀干城不允出錢輒將該屍丟放堂  
屋并以報官拖累之言恐嚇吵嚷致謀干城被嚇情

急自盡尚非無端槌毀立意詐財若照威逼擬杖亦  
覺輕縱應照兇惡棍徒例量減一等擬杖一百徒三  
年章安立等隨從助勢再減一等杖九十徒二年半  
道光十二年案

殺放出奴僕誣  
告人致屍遭檢

折撫 咨丁慶潮毆死僕人丁紹賢起意圖誣誣告  
陳玉祥將丁紹賢致死以致屍遭蒸檢丁紹賢係丁  
慶潮放出僕人律不應抵比照期親尊長誣告人致  
蒸檢卑幼身屍仍依誣告人死罪未決律杖一百流  
三千里加徒役三年  
道光四年案

繼母殺前妻之  
子圖賴人

川督咨張李氏因挾楊定江不允給還田價之嫌

起意將伊夫張後升前妻之子張坤良毆死圖賴張

後升尙存一子並未絕嗣第核其故殺本罪律止杖

七十徒一年半與親母故殺其子雖有不同而較諸

伯叔故殺姪罪應杖流者輕重懸殊伯叔故殺姪圖

賴人既與親母故殺子圖賴人同一擬軍則繼母故

殺前妻之子圖賴自可一例問擬張李氏應照故殺

子圖賴人例發附近充軍係婦人照律收贖

道光十三年案

川督咨汪太階因挾胞叔汪玉衡逼伊搬移並將

謀殺妾命誣賴  
胞叔威逼自盡

其妾毆傷反欲告究之嫌起意商同伊妻汪蕭氏將  
伊妾汪張氏勒死捏告汪玉衡威逼汪張氏自勒身  
死希冀圖賴惟尊長威逼卑幼之妾自盡例無明文  
則誣告之卑幼亦無從反坐卽其干名犯義亦罪止  
擬杖自應仍按殺妾圖賴本例問擬將汪太階依殺  
妾圖賴人無論圖賴尊卑親屬例發附近充軍

道光十三年案

毆傷女圖賴人  
妾女因傷身死

貴撫 咨李英將伊女李二妹毆傷向張倅得圖賴  
後李二妹旋因本傷身死核與故殺子女圖賴者究

誤將幼子失手  
跌斃圖賴人

屬有間將李英於故殺子孫圖賴人擬軍例量減一

等杖一百徒三年

道光十一年案

直督 咨田希武因行竊犯案被差捕往拿該犯自

將懷抱幼子失手跌地誤踣致斃輒敢藉屍圖賴出

向拒毆迫詐得錢文私埋匿報惟究係失跌誤踣與

有心故殺子圖賴人者有間應依故殺子圖賴人擬

軍例量減一等滿徒加拒捕罪二等杖一百流二千

五百里

道光十一年案

子聽從他人將  
父屍裝吊圖賴

貴州司 查律載子將父母身死圖賴人者杖一百

徒三年又例載將父母屍身裝點傷痕圖賴他人無論金刃手足他物成傷者俱擬斬立決又律載斷罪無正條援引他律比附加減定擬各等語此案王枝全賦性癡騷伊父王大中恐人欺陵令認冉大彰爲義父嗣王大中外出冉大彰至彼閒坐適有王名潮在彼與王枝全之妻王張氏閒談冉大彰起意誣姦訛索詐得王名潮錢一千文王大中回家查知以冉大彰誣姦訛詐汚媳名節往與冉大彰不依理論王名潮被冉大彰誣姦訛詐心疑王大中主使至王大

中家理論將王大中家耕牛牽回令賠還再大彰詐  
錢還牛王大中復至再大彰家噉罵吵鬧逼賠牛傳  
再大彰被王大中兩次誣鬧懷忿起意將王大中毆  
死洩忿再可向王名潮訛詐隨捏稱俟借錢贖牛歸  
還嗣探聞王枝全赴山砍柴王張氏已回母家諭知  
王大中平素嗜酒誑邀同飲暗將砒未放入酒內勸  
令飲畢捏稱至王名潮家牽牛起身同往行至中途  
王大中盡發殞命再大彰趕向王枝全捏稱伊與王  
大中同至王名潮家牽牛吵鬧轉回中途腹痛暴病

身死王枝全至屍所看明屍身因愚騃不能辨其葬  
情形再大彰復主使王枝全將王大中屍身背至王  
名湖地內母大彰用繫腰棕繩結套令王枝全套入  
王大中項頸懸掛樹上裝巾圖賴該撫以王大中屍  
身原驗項頸有白痕一道係屬死後縛痕王枝全似  
應卽以繩痕作裝點成傷治罪第究因裝點以致屍  
有縛痕與實在毆打砍傷致屍骸殘毀者稍有區別  
例無子孫聽從他人將父母屍身裝巾圖賴治罪明  
文咨部請示等因本部查子將父屍裝點傷痕圖賴

問擬斬決之例係專指有意傷殘者而言若僅止聽從圖賴並無傷殘之心自應疑其情節酌量定斷不得概援斬決之例今該犯王枝全素性愚昧其將父屍背至王名潮地內圖賴係因被冉大彰哄誘所致與起意圖賴者不同至其父屍項頸驗有白痕一道係因聽從裝吊所致亦與有意傷殘者迥別縱因其情節較僅止圖賴者稍重亦止可於子將父屍圖賴例上酌加一等問擬所有王枝全一犯應命該撫卽與冉大彰按律分別定擬具題

道光十四年設帖

父被兄毒斃後  
用血塗屍圖賴

雲南司 除謀殺父之磔犯吳有魁已據該撫於審

問後恭請

王命正法外查例載將父屍裝點傷痕圖賴他人無論金

刃手足他物成傷者俱擬斬立決又斷罪無正條者

援引他例比附定擬各等語此案吳有彩因伊父吳

愛周向周之寶索討作中欠銀未獲反被毆辱氣忿

欲與周之寶拚命乘間用帶自縊經該犯驚覺救活

喊同伊弟吳有魁同向吳愛周姪勸嗣吳愛周夙忿

未消乘該犯外出逼令吳有魁買壽給服圖賴周之

賓謀害該犯回歸聞知言欲報官經吳愛周斥阻吳有魁因伊父本從圖賴周姓現已服毒必死遂商允該犯慫恿吳愛周前往周家身死向其詐銀使用隨將吳愛周擢至周之賓家捏言被打傷重責令醫治各自轉回詎吳愛周毒發殞命該犯等探知往看吳愛周口鼻流血該犯將血塗抹屍面裝成被傷形迹圖賴周之賓毆斃並向索詐銀兩旋被訪獲該撫以例無治罪明文聲明應否將該犯比例擬斬等因臣等竅其情節該犯於伊弟買藥給伊父服食時實不

兇殺子孫及奴婢  
圖賴人

知情事後聽從圖賴亦止用血塗抹屍面尙無殘毀  
屍身情事惟係伊父倫紀攸關自應從重比例定擬  
應如該撫所奏吳有彩應比照將父屍裝點傷痕圖  
賴他人例擬斬立決

道光十七年說帖

弓箭傷人

敬神放銃誤斃人命

放銃誤傷人致  
瞎一目

河撫 咨李豹因點放敬神鐵銃誤傷許長義身死

將李豹比照凡竹銃向有人居住宅舍施放誤傷人

因而致死例杖一百流三千里 道光十一年案

東撫 咨宋小創因見鍾秀所雇之銃手呂海他往

輒代爲點放致銃傷曹友魁右眼成瞽該犯並非受

雇之人事屬無故施放將宋小創比照竹銃向有人

居住宅舍施放誤傷人滅湯火傷一等例於瞎人一

目滿徒律上減一等杖九十徒二年半 道光十年案

庸醫殺傷人

為人治病書符  
針刺致斃人命

河撫 題韓重爲孫舉妮醫病並不按方用藥按照  
不經舊書書符念咒針刺復因孫舉妮病體羸弱任  
令其妻孫李氏代受針刺以致刺傷孫李氏身死例  
無爲人治病令人代受針刺致將代刺之人刺斃治  
罪明文將韓重比照端公道士作爲異端法術醫人  
致死照圖彼律擬絞監候 道光八年案

收生婦女不諳  
逆生致斃人命

陝撫 咨施大奎之妻施岳氏妻係分妮逆生張章  
氏不知逆生之理輒用手伸入產門強將嬰兒取出

以致母子兩亡將張章氏比照庸醫誤不依本方因而致死如無故害之情者以過失殺人論依律收贖  
追銀十二兩四錢二分給屍親具領  
道光四年案

嗣與婦女通姦  
代為畫符求子

陝督咨楊添貴因許苗氏邀伊算命見該氏年輕  
圖與通姦妄為該氏畫符歷鎮祈求子嗣究無邪術  
煽惑情事其符歷係為消災求子與畫符治病情事  
相同將楊添貴比照端公道士及一切人等作為異  
端法術如圖光畫符等類醫人未致死例杖一百流

三千里

道光十三年案

婦女念咒書符  
治病

提督奏送伊趙氏以滿洲孀婦出家爲尼自稱釋  
迦道人念咒書符給人治病並令非區及施助修廟  
錢文藉圖漁利實屬詐妄伊趙氏應勒令還俗照端  
公道士作爲異端法術齊人未致死例杖一百流三  
千里雖係婦女惟

京畿爲首善之區理宜肅清未便准其收賄致滋煽惑  
應實發駐防安置護軍營代伊趙氏裝塑神像護  
軍柏凌阿代伊趙氏置備供器並雇人將官房街門  
塗刷紅土懸掛匾額均應革退差使照爲從杖一百

徒三年係旗人照例折枷再加枷號一個月滿日鞭責發落  
道光十年廣東司案

照玉匣記書符治病騙錢

苗民捏稱法水治病騙錢

提督 奏送剝慶會書符治病訛止圖騙錢文並無邪言或衆情事玉匣記係民間習用之書不在例禁該犯照書描寫與實在詐爲異端法術捏造符籙者有間應照異端法術書符等類僭人求致死擬流例量減一等杖一百徒三年  
道光五年貴州司案

貴撫 咨苗民生往因貧捏稱有祖傳法水令彙隨引人買食藉此誑騙又恐不能取信於人以伊祖猪

銅等曾習端公治病為苗民信服今端公  
哄騙愚苗查無符水邪術及經卷圖像應比照端公  
道士及異端法術醫人未致死例杖一百流三千里  
道光十年案

威逼人致死

姦夫欲買姦婦  
不遂逼死木夫

直督 題王立名與韓高氏通姦木夫韓俊梅先不  
知情後經看破畏免隱忍嗣韓俊梅因貧欲將高氏  
嫁賣王立名聞知圖買為妾說未允該犯繼  
姦起意強搶卽捏寫賣妻字樣乘韓俊梅外出糾人  
將高氏搶回尙未成親韓俊梅回歸查知因妻被搶  
不願為人該犯聞知畏懼卽將假契撕破送還高氏  
後復欲使韓俊梅知伊利空持刀登門囑罵意圖仍  
將高氏賣給為妾有心挾制詎韓俊梅被逼難堪投

縵瑛命將王立名照因姦威逼人致死律擬斬監候  
高氏雖無知情串囑而韓俊梅之自盡究因該氏與  
王立名通姦被逼所致將高氏比照姦夫自殺其夫  
姦婦雖不知情亦絞律量減一等擬流杖決流贖  
道光十四年案交館核過

祖姑縱姦自盡  
翁因畏罪戕生

陝撫 咨董王氏縱容孫媳董穉氏與無服族人董  
春茂通姦產子經其子董萬春查知姦情以伊母董  
王氏縱姦無耻之旨任意衝撞抱怨致董王氏愧迫  
自盡董萬春旋因觸犯伊母致母自縊慮恐到官問

罪亦卽投縊殞命是董王氏之自縊由於縱姦婢迫而董萬春之自盡由於母死畏罪並非因媳犯姦憂忿戕生卽末便坐董權氏以身犯邪淫致父母戕生之罪將董權氏依父母縱容通姦後因姦情敗露愧迫自盡者將婦女實發駐防給兵丁爲奴

道光六年案請示說帖藏卷四十九

于婦犯姦氏兄  
誰知逼姑自盡

川督 咨王楊氏因與袁成青通姦致伊姑王賀氏被伊兄楊應俸逼迫氣忿自盡一案此案王賀氏撞見伊媳王楊氏與袁成青通姦僅令伊子王啟柏告

知王楊氏之父楊維貴管教既無殺姦之意又無憂  
忿欲死之心假使楊應俸與伊父楊維貴即將王楊  
氏訓教王賀氏自無忿迫難堪情事乃楊應俸反稱  
王賀氏捏姦污衊欲行控告以致王賀氏畏累自盡  
是王賀氏並非爲伊媳犯姦輕生故不死於楊應俸  
未與口角以前而短見於楊應俸出言嚇道之後實  
屬供證確鑿若將王楊氏遽擬縲首與實在殺姦不  
遂羞忿自盡並因子孫身犯邪淫憂忿戕生者漫無  
區別將王楊氏依婦女與人通姦致並未縱容之父

縱姦之母被姦  
夫之父逼姦

母一經見聞殺姦不遂羞忿自盡擬絞立決例上立  
減一等杖一百流三千里仍依縱容逆姦愧迫自盡  
本例實發駐防給兵丁爲奴袁成書於姦夫杖一百  
徒三年例上減一等杖九十徒二年半

道光八年案原駁說帖載卷四十九

川督 咨陳栗氏查知伊女陳喜秀與楊進成逆姦  
成孕並不向伊夫陳仕崇告知輒卽代爲隱瞞囑令  
打胎滅跡仍在陳喜秀與楊進成逆姦實屬知情縱  
容迫陳仕崇查知姦情將陳喜秀等送官彼時陳栗

氏亦無愧迫情狀嗣因楊進成之父楊任先向其圖索激鬧以致該氏被迫情急自戕身死律以罪坐所

由固不能諱陳粟氏之死非因楊進成與陳喜秀逼

姦起釁而究其輕生自盡實由於楊任先逼迫所致

若照父母縱姦敗露愧迫自盡例將陳喜秀實發駐

防爲奴似與父母縱姦敗露於未經到官之前卽愧

迫自盡者漫無區別查陳粟氏係陳喜秀繼母將陳

喜秀照父母縱姦通姦後因姦情敗露愧迫自盡者

婦女實發駐防例量減一等杖一百徒三年係犯姦

婦被誘拐姑執  
拐犯訛詐自盡

之女杖決徒贖年未及歲仍予收贖

道光十二年案

廣西撫 趙羅扶辛誘拐蘇陸氏之媳蘇韋氏尙未

嫁賣因聞其夫出帖訪尋慮被查獲將蘇韋氏送歸

後復向蘇陸氏索詐不遂搶牽牛隻致蘇陸氏被詐

不甘白刎身死是該犯既拐其媳復訛其姑因而釀

命實屬平空欺詐查該犯誘拐蘇韋氏人雖送還但

未言及拐情則是罪猶未首未便以財主處首還之

律減等科斷其強搶牛隻亦罪止擬徒將羅扶辛照

刁徒平空訛詐致被詐之人自盡例擬絞監候蘇韋

氏聽從誘拐訊無通姦情事應照被誘之人減等滿  
徒但蘇陸氏之被詐搶牛忿激輕生雖非蘇陸氏違  
犯所致究由該氏聽誘同逃起釁應比照子孫違犯  
教令致父母自盡擬絞例減一等杖一百流三千里  
照律收贖

道光十四年案

道媳改嫁不遂  
致翁忿恨自盡

陝撫 題岳葉氏因伊夫久出不歸伊翁岳來英欲  
將該氏嫁賣不遂而奪其應分之地抵欠復禁次子  
岳金川資助以絕其食欲使該氏不能自存希圖嫁  
賣如此待媳不仁實屬有乖父道該氏守貞不從與

姦婦因媳礙眼  
智罵致娘自盡

他事違犯不同今岳來英因該氏欲赴縣控訴惡其  
許已之過心懷忿恨輕生自盡若將該氏逮照子孫  
違犯教令間擬絞候殊覺情輕法重應將岳葉氏比  
照子孫違犯教令致父母自盡擬絞例量減一等杖  
一百流三千里

道光四年案

蘇梅 咨黃錢氏與李幅全通姦因媳李氏礙眼屢  
次借端尋釁辱罵致李氏抱忿自盡實屬滔惡無耻  
將黃錢氏比照姦婦抑媳同陷邪淫致媳自盡發  
防爲奴例量減一等杖一百徒三年杖決徒贖

道光十七年

狂姦賊夫  
擊斥實凶盜

四川司 查例載婦女與人通姦本夫並未縱容一  
經見聞殺姦不遂因而羞忿自盡者姦婦擬絞監候  
姦夫擬杖一百徒三年等語此案葉于氏係葉尙美  
之妾與曾啟貴調戲成姦葉尙美及其父葉潮舉並  
不知情嗣曾啟貴與葉于氏坐牀說笑正欲行姦葉  
尙美回家聽聞進房瞥見喊拿將曾啟貴抓住曾啟  
貴扭脫溜逃葉潮舉聞喊查問葉尙美告悉情由同  
向葉于氏盤問葉于氏不能隱瞞告知實情當將葉  
于氏毆責欲候拿獲曾啟貴一同送官究治葉尙美

找尋會啟貫無獲心生氣忿葉潮舉聲稱葉于氏作此無顏之事皆由葉尙美平日管教不嚴日後到官終須出醜向葉尙美斥罵葉尙美益增忿恨聲言如此出醜不如早死自取小刀抹傷咽喉殞命該督以葉于氏與會致貴逼姦本夫葉尙美捉獲會啟貴掙脫逃跑找尋無獲被伊父斥罵氣忿自抹身死較之一經見問殺姦不遂因而羞忿自盡情稍有關將葉于氏於婦女與人逼姦本夫並未縱容一經見問殺姦不遂因而自盡者姦婦擬絞監候上減一等擬以

滿流姦夫曾啟貴擬杖九十徒二年半等因咨部奉  
部查葉于氏因與曾啟貴通姦被家長葉尙美擒獲  
姦情因曾啟貴押脫逃跑葉尙美欲找尋姦夫一併  
送究其激於義忿之心並未稍釋嗣因找尋姦夫無  
獲心生氣忿經伊父葉潮舉以日後到官終須出醜  
之言向伊斥罵葉尙美聲稱如此出醜不如早死卽  
自抹咽喉身死是葉尙美之自盡實由伊妾葉于氏  
犯姦羞忿所致其被父斥罵亦因慮及出醜益增忿  
恨不得以此窩葉于氏之罪卽謂欲行送究與殺姦

不遂者稍殊亦應比例擬以纒首未便率行減等間  
擬致滋輕縱應令該督研訊確情按例妥擬具題到  
日再議等因去後旋據覆審仍照原擬咨部○查道  
光四年本部議覆安徽省審擬洪榮等嚇逼葉洪氏  
自縊身死將洪榮於竊殺詐贓斃命絞罪上量減擬  
流案內聲明由死減流之案例應專本具題不得咨  
結等因通行在案此案前據該督將葉于氏擬流咨  
部經本部以葉尚美因妾葉于氏與曾啟貴通姦致  
露被父葉潮舉斥為惡恨自盡實由伊妾葉于氏犯

姦羞忿所致其被父斥罵亦因慮及出醜益增忿恨  
不得以此寬葉于氏之罪等因咨駁去後茲據該督  
咨稱葉尙美撞見伊妾葉于氏與曾啟貴在房說笑  
曾啟貴脫逃當經盤出姦情欲我獲姦夫一併送究  
其意欲置姦夫姦婦於法並無欲殺之念亦無羞忿  
欲死之心設非其父葉潮舉將其斥罵事已隔日卽  
義忿之氣漸消愧迫之情亦息自不致轉念輕生葉  
尙美自抹咽喉斃命旣不死於獲姦脫逃之時而死  
於越日被罵之後其爲由於葉潮舉之激怒非因葉

于氏之犯姦更無疑議將葉于氏仍照原擬於婦女  
與人通姦本夫並未縱容一經見聞殺姦不遂因而  
差忿自盡姦婦擬絞監候例上減等擬流等因咨部  
查葉尙美之自盡既據該督訊明實由於其父訓斥  
輕生並非因葉于氏犯姦所致將該氏仍照原擬比  
例量減擬流查核情罪尙屬允協惟係由死罪減等  
之案該督並不專本具題徑行咨部完結核與通行  
不符應令該督照例專本具題

道光十四十五年  
說帖

縱奴本夫欲行  
拒絕不遂自盡

買休之夫禁絕  
通姦被辱自盡

江西司 咨胡安然與黃伍氏通姦係本夫黃金齡

貪利縱容後因無錢資助黃金齡欲行拒絕另搬胡

安然藉有未還借項挾留姦宿致黃金齡貧迫無奈

甄見自盡雖與姦占良家妻女不同亦非迫於姦夫

強悍不能報復所致將胡安然比照棍徒擬害擬軍

例量減一等杖一百徒三年

道光九年案

東撫 咨王崑先與董兆吉買休之妻張氏通姦經

董兆吉查知禁止後復徃與張氏訂期續姦被董兆

吉見而村斥該犯用言向董兆吉辱罵致令氣忿自

縊身死查張氏係董兆吉知情買休之婦律應離異  
與因姦威逼本夫致死不同若照尋常威逼律止滿  
杖王崑應照棍徒擾害擬軍例量減一等杖一百徒  
三年仍追埋葬銀兩給領

道光十一年案

犯姦業已悔過  
致夫追忿自盡

晉撫 題王李氏先與王崑山通姦經本夫王學寬  
撞見盤知嚷罵該氏向夫夫懇情願和歸王學寬  
忍嗣王崑山與隣婦王張氏爭吵嚷破姦情王學寬  
聞知追忿投井身死核與一經見聞卽羞忿自盡者  
有間且王李氏究已悔過拒絕在先王李氏應照婦

刃傷縱姦本夫  
情急自盡

女與人通姦其夫並未縱容一經見聞殺姦不遂因  
而羞忿自盡姦婦擬絞例量減一等杖一百流三千  
里 道光八年案

陝撫 咨蔣添貴與李苟氏通姦係本夫李有才利  
資縱容嗣蔣添貴復往續姦李有才索錢未給將該  
犯擻逐該犯不走李有才持刀攙砍該犯奪刀回砍  
李有才顛門等處遂許給養傷錢六千後李有才因  
該犯未將錢文送給貧無食用情急自盡該撫以李  
有才死係因貧與傷無涉將蔣添貴照刃傷人律杖

八十徒二年咨部引斷實屬錯誤蔣添貴應改依因  
事用強毆打威逼人致死致命而非重傷例杖一百  
徒三年追出埋葬銀兩給領

道光七年案

調姦有服親屬  
未成追悔自盡

調姦小功服姦  
未成和息後致  
婦追悔自盡照  
凡人加一等發  
附近軍道光十  
四年川省題李  
大魁案

續增刑案匯覽

河撫 題張泳桐因姦小功服姦張成彩之妻張馬

氏未成經張廷松等處令服禮息事馬氏氣已消釋

嗣被犯母龔氏耻笑馬氏聽聞追悔抱忿自盡張泳

桐應比照調姦婦女未成和息後因人耻笑本婦追

悔自盡滿流例酌加一等發附近充軍 道光四年案

川督 題李慈尚小功兄妻李唐氏調戲唐氏不依

叫罵經李常桐等勸息後因李盧氏向詢調戲之事

唐氏疑其耻笑復行追悔自盡將李慈比照調姦婦

女未成和息後因人耻笑本婦追悔自盡滿流例酌

卷九

刑律人命

五

威逼人致死

加一等發附近充軍 道光十年案

川督 題文思典調姦弟妻文吳氏未成業經和息  
因被伊姑抱怨復追悔自盡一案又秦仕仁調姦總  
麻弟妻秦馬氏未成業經和息因被秦仕仁繼母趙  
氏談及前事復追悔自盡一案均以有服親屬未便  
照凡人擬流將文思典秦仕仁俱照滿姦婦女和息  
後追悔自盡擬流例酌加一等發附近充軍 道光十  
年案

晉撫 題王起蘭因調姦胞弟王起榮之妻朱氏未  
成和息後王起發欲出外貿易不便遣妻與兄同居

調姦弟妻未成  
追悔自盡二命

圖姦弟妻未成  
殺死本婦

令王起臨分析不允觸起前念與妻追悔一同自盡  
將王起臨比照調姦婦女未成和息後因人耻笑其  
夫及木婦追悔自盡致死二命者發邊遠充軍例酌  
如一等發極邊足四千里充軍 道光四年案

直督 題曹忠圖姦弟妻曹劉氏未成故殺曹劉氏  
身死查曹劉氏係該犯胞弟婦至死應同凡論將曹  
忠比照建姦未成將本婦立時殺死例擬斬立決

道光十一年案

圖姦犯姦婦女  
致婦羞愧自盡

直督 咨張書廂因欲圖姦與姦夫劉楨爭姦以開  
致姦婦因姦敗露羞愧投井身死查該犯圖姦犯姦  
之婦未成致令自盡核與強姦之案情節較輕將張  
書廂比照強姦犯姦婦女未成致木婦羞慄自盡擬  
流例量減一等杖一百徒三年

道光八年案

調姦致婦瘋癲  
累及其夫自盡

蘇撫 咨高泳幅調姦費王氏未成致氏氣鬱患瘋  
累及其夫費開自縊身死查高泳幅擲布調戲雖經  
賠禮寢息惟費王氏氣鬱瘋迷毀人什物致累其夫  
費開變產醫賠貽氣忿自盡應將高泳幅比照調姦未

調姦未成拒傷  
本婦致婦自盡

安撫題常大調  
姦未成拒傷羅  
劉氏身死依罪  
人拒捕殺人律  
斬候道光七年

成和息後因人耻笑其夫復抱忿自盡例杖一百流

三千里 道光七年

安徽司 題汝大成因見無服族叔之妻汝李氏在  
房獨處用言調戲汝李氏不依滅罵并扭衣不放該  
犯掙不脫身情急圖脫將汝李氏毆傷致汝李氏羞  
忿自縊身死到無調姦未成拒傷未如致令自盡作  
何治罪明文將汝大成仍照但經調戲本婦羞忿自  
盡例擬絞監候 道光六年案

冒姦已成致婦  
羞忿自盡

百物強行雞姦  
致被姦人自盡

河撫 題趙二孟乘無服族叔趙驢在趙九家飲酒

潛至趙驢家內將趙驢之妻趙胡氏冒姦已成致趙

胡氏羞忿自盡趙二孟應比照強姦已成本婦羞忿

自盡例擬斬監候

道光十年案

安徽司 題楊聚得因見高得青年輕起意強姦令

李金斗幫同捆按將其強行雞姦以致高得青羞忿

自縊身死將楊聚得比照強姦已成本婦羞忿自盡

例擬斬監候李金斗雖無圖姦之心第聽從幫同捆

按以致高得青不能力拒被楊聚得強行姦污因而

調姦男子未成

羞忿自盡比照

調姦婦女羞忿

自盡擬絞道光

九年河撫題趙

駱駝案

調姦男子未成

追忿自盡

自盡實屬助勢濟惡若照爲從減等擬流核與被姦

之人未致自盡者無所區別將李金斗比照惡徒夥

衆將良人子弟搶去強行姦姦之餘犯改發雲貴兩

廣炳漳地方充軍

道光九年案

河撫 咨余得耀向田黑漢調姦未成業向服禮寢

息嗣張光修查知耻笑適被田黑漢聽聞當時哭冒

不依旋即追悔自縊身死例無調姦男子未成和息

後因人耻笑致令追悔自盡治罪明文第圖保名節

被辱捐軀男女情無二致余得耀應比照調姦婦女

自姦已成致婦  
羞忿自盡

自移強行雜姦  
致被姦人自盡

河撫 趙迨二孟乘無服族叔趙驢在趙九家飲酒  
潛至趙驢家內將趙驢之妻趙胡氏自姦已成致趙  
胡氏羞忿自盡趙二孟應比照強姦已成本婦羞忿  
自盡例擬斬監候 道光十年案

安徽司 題楊聚得因見高得青年輕起意強姦令  
本金斗幫同捆按將其強行雜姦以致高得妻羞忿  
自縊身死將楊聚得比照強姦已成本婦羞忿自盡  
例擬斬監候本金斗雖無圖姦之心第聽從幫同捆  
按以致高得妻不能力拒被楊聚得強行姦污因而

調姦男子未成  
羞忿自盡比照  
調姦婦女羞忿  
自盡擬絞道光  
九年河撫題趙  
駱駝案

誦姦男子未成  
追忿自盡

自盡實屬助勢濟惡若照爲從減等擬流移與被姦

之人未致自盡者無所區別將李金斗比照惡徒夥

衆將良人子弟搶去強行雜姦之餘犯改發雲貴兩

廣烟瘴地方充軍

道光九年案

河撫 咨余得耀向田黑漢調姦未成業同服禮寢

息嗣張光修查知耻笑適被田黑漢聽聞當時吳

不依旋卽追悔自縊身死例無調姦男子未成和息

後因人耻笑致令追悔自盡治罪明文第圖保名節

被辱捐軀男女情無二致余自羅應比照調姦婦女

將人難姦復行  
張揚致人自盡

未成和息後因人恥笑本婦復追悔抱忿自盡將調

姦之犯擬流例杖一百流三千里

道光九年案

陝撫 咨宋普兒與彭太平商換雞姦彭太平還姦

未遂斥罵經雇主將宋普兒逐山宋普兒被逐不甘

在外揚言以致彭太平自戕身死若僅照尋常婦女

和姦敗露羞愧自盡姦夫滿徒之例問擬殊覺輕縱

例無專條將宋普兒比照和姦之案姦婦因姦情敗

露羞愧自盡姦夫滿徒例酌加一等杖一百流二千

里 道光十一年案

調姦控官柳責  
結案婦復自盡

和姦刃傷姦婦  
致令羞愧自盡

川督 題胡大灤向袁引弟調姦未成被控柳責袁  
引弟審結回家羞忿莫釋時常啼哭事越兩月該犯  
柳滿釋放回家袁引弟瞥見觸起前情乘間投緹願  
命例無專條若照但經調戲本婦羞忿自盡擬絞與  
未經控告審結及本婦即時自盡者無所區別將胡  
大灤比照但經調戲本婦羞忿自盡擬絞例量減一  
等杖一百流三千里 道光五年案

河南司 查例載和姦之案姦婦因姦情敗露羞愧  
自盡者姦夫杖一百徒三年又律載斷罪無正條者

援引他律比附加減定擬各等語此案周淵沅與陳三毛通姦圖娶爲妻央詹文達作伐未允嗣詹文達與陳三毛爲故許字喻堂爲妻陳三毛囑伊不可往來該犯遂遇詹文達觸起不允作伐之嫌又因陳三毛將其疎淡先後將詹文達陳三毛砍傷致陳三毛因姦情敗露羞愧自縊身死該撫將周淵沅依和姦敗露姦婦羞愧自盡例擬徒等因本部查向來姦婦羞愧自盡之案止須姦夫與姦婦通姦或被入撞破或醜聲揚姦婦因無顏對人短見輕生卽應坐姦

夫以城旦之罪至姦夫因續姦不遂逞兇毆傷姦婦以致姦婦羞忿自盡雖不得遽科因姦威逼之條亦應酌量加重問擬以示區別今周瀾沅先與陳三毛通姦後因圖娶不遂將不允嫁說之詹文達並陳三毛先後砍傷以致陳三毛羞忿自盡其情自較尋常因姦釀命之案爲重該撫將周瀾沅依例擬徒未免情浮於法自應酌量加等科斷周瀾沅改依和姦之案姦婦因姦情敗露羞愧自盡姦夫杖一百徒三年例酌加一等杖一百流二千里

道光十六年諭帖

因姦敗露致姦  
婦無服親自盡

和姦敗露致姦  
麻尊屬自盡

直督 咨郭蘭成因與郭董氏母家無服姪媳董程  
氏通姦敗露經郭董氏往找不依該犯不自引咎  
稱郭董氏誣賴以致郭董氏氣忿服毒身死將郭蘭  
成照軍民相姦姦夫枷杖例酌加一等擬杖六十徒  
一年 道光十四年案

蘇撫 咨全克潤因與族妹馬全氏通姦敗露致馬  
全氏與其母全朱氏羞愧自盡按例罪應擬徒惟全  
朱氏係全克潤總麻尊屬應酌量加等問擬將全克  
潤於和姦敗露姦婦自盡擬徒例上加一等杖一百

和姦敗露致姦婦之夫姓自盡

流二千里 道光四年案

川督 岑田金貨與王翁氏通姦敗露致氏夫胞姪王長德憂忿莫釋服毒自盡例無專條若僅科姦罪置人命於不問未免輕縱如照婦女與人通姦致本夫羞忿自盡例問擬流徒亦覺無所區別將田金貴照婦女與人通姦本夫並未縱容一經見聞殺姦不遂因而羞忿自盡姦夫滿徒例量減一等杖九十徒二年半 道光十年案

和姦自盡二命 命案追埋葬銀

川督 岑 湯萬鑑與張李氏通姦其姑張黃氏並不

和姦被捉脫逃  
致自盡三命

知情嗣因姦情敗露張李氏羞愧自盡張黃氏因伊  
媳做出醜事無顏見人亦氣忿自盡查因姦敗露致  
釀二命例內指明從一科隨該督將湯萬鎰比照威  
逼人致死一家二命例擬軍仍追埋蒸銀兩係屬錯  
誤湯萬鎰應改依和姦之案姦婦因姦敗露羞愧自  
盡姦夫擬徒例杖一百徒三年所有該督聲明仍追  
埋蒸銀一十兩之處應毋庸議

道光四年案

陳撫 首線添有與線火氏續姦被本夫線有仁撞  
見喊捉無獲致本夫抱忿自盡姦婦線火氏畏罪搗

縱姦之案因姦  
照露姦婦自盡

抱幼女投崖一併稟命訊明該犯並無因姦威逼情

事惟木夫姦婦及幼女先後懷斃三命實因該犯與

線火氏通姦所致將線派有比照因事威逼人致死

一家三命例發邊遠充軍

道光十一年案○卷三十  
六右擬施之案記比核

陳撫咨安九木與程李氏通姦係木夫知情縱容

嗣因該犯壞破姦情致程李氏羞愧自盡該撫將安

九木於滿徒上量減一等問擬本部查縱容妻妾通

姦致被拐逃姦夫滅等擬徒之例以姦夫之拐逃究

由本夫之縱容以徵其繼姦誘拐之端是以設有專

條得從量減至姦婦因姦敗露自盡之案向俱不問  
本夫之縱姦與否祇以姦婦之自盡既由於姦情之  
敗露卽應將姦夫照例擬以滿徒該撫牽引誘拐之  
案將該犯量減一等與例不符安九木應改依和姦  
敗露姦婦羞愧自盡姦夫擬徒例杖一百徒三年

道光六年案

直督 題孫隴因與李孫氏通姦敗露致氏謀毒本  
夫身死後因李孫氏畏罪欲圖自盡經孫隴給與鹽  
滷毒盤一案查姦夫姦婦商謀同死若已將姦婦致

姦婦畏罪求死  
姦夫給藥毒盤

續增刑案匯覽

卷九

刑律人倫

五

反逆ノ手刃

姦夫姦婦商謀  
同死姦夫買藥  
寄放人家誤毒  
人命案載續增  
造音蠱毒殺人  
條

死姦夫並無自戕傷痕同死確據例應按照謀故本  
律問擬斬絞今李孫氏自欲求死該犯給與鹽酒飲  
服幾命卽與謀殺加功無異將孫隴比照謀殺人從  
而加功律擬絞監候

道光十年案

極話由於口角  
應以罪爲論

廣東撫題已革兵丁梁德因無服族叔母梁成氏  
欲將伊克換銀兩扣抵伊弟欠項該犯不允事後因  
梁成氏斥伊代弟賴欠輒以成氏愛財無耻不如西  
姦之語斥詈致成氏羞忿自盡查梁德考取武生在  
營身糧並非鄉愚無知乃因口角細故出言穢詈致  
族叔母自盡該撫依村野愚民本無圖姦之心不過  
出語褻狎本婦一聞穢語輕生例擬流引斷未爲允  
協將梁德改依因事與婦女口角詈罵婦女一聞穢  
語氣忿輕生例擬流係革兵犯罪應加一等發附近

因媳被罵刺人  
堂妹下衣自盡

充軍 道光五年案

安撫 奏任連魁因妻媳任曾氏見桃子被竊懷罵  
劉伯伶聽聞疑其言已亦將任曾氏辱罵任連魁往  
尋劉伯伶不依途遇其堂妹劉讓姐任連魁以劉伯  
伶辱罵伊媳起意還辱其妹遂將劉讓姐推跌剝脫  
下衣跑走劉讓姐羞忿莫釋投緘殞命訊明任連魁  
實止因媳被罵希圖還辱並無圖姦之心惟剝脫下  
衣較之出言褻狎致本婦自盡擬流之案情節爲重  
將任連魁比照棍徒無故生事毆害例發極邊足四

後罵將人按倒  
脫褲耻辱自盡

與人妄談不嫌  
致婦羞聞自盡

千里充軍 道光五年案

河撫 咨蔡重因張文與陳石爭毆向勸被罵先則  
掌批其頰繼復商同陳石將張文按倒脫褲耻辱以  
致張文忿迫投窰自盡將蔡重比照棍徒擬管擬軍  
例量減一等杖一百徒三年陳石聽從幫辦按照爲從  
減一等杖九十徒二年半 道光七年案

安嶽司 趙王暢因不知婦婦王賀氏之父賀該在  
王賀氏家歇宿該犯於二更時巡更路過王賀氏門  
首聽聞王賀氏家有男子咳嗽聲音詭疑賀氏不端

向族隣王趙氏談論致王賀氏聽聞穢語氣忿投緹  
殞命雖王暢談論王賀氏不端事出有因並非捏情  
有心汚讒亦非用言戲謔惟賀氏之自盡究由該犯  
妄談所致將王暢比照並未與婦女覲面相諱止與  
親屬互相戲謔致婦女聽聞穢語羞忿自盡例擬杖  
一百流三千里 道光八年業

毆辱婦女調處  
後追念自盡

直督 奏高登雲因無服族孫媳高桑氏不還麥價  
錢文被兵爭毆輒將該氏推跌倒地即壓其身體揪  
扭並將其衣服撕破致氏氣忿服毒自盡第該氏被

男子互爭牽馬  
其妻聽聞自盡

辱後經調處因該犯不爲服職始行自盡與卽時忿  
激捐軀者情稍有間將高登雲照因事與婦女口角  
罵罵婦女一聞穢語氣忿輕生滿流例上量減一等  
杖一百徒三年

道光十年案

直督 馮馬樞因貪夜聞響疑賊追至胞姪馬詔陞  
家被馬詔陞撞見究問爭吵該犯氣忿輒以圖姦之  
言向答以致馬詔陞之妻馬張氏在屋內聽聞氣忿  
自縊身死該犯雖未覲面指名穢辱第馬詔陞家別  
無女流僅止馬張氏一人該氏聽聞自盡究因該犯

將其穢辱所致應罪坐所由但例內並無胞伯口角  
致姪婦聽聞自盡作何治罪明文將馬樞比依因事  
與婦女口角詈罵婦女一聞穢語氣忿輕生滿流例  
量減一等杖一百徒三年

道光十年案

此案與拾遺備考內直隸省楊太案相同仍俟考

將夫背印一龜  
形攻其妻自盡

河撫 題張泳吉與廬士明戲謔在廬士明背上印  
一龜形旋被廬士明之妻龐劉氏瞥見致氏羞忿投  
井身死將張泳吉照並未與婦女觀面相諱止與其  
夫互相戲謔婦女聽聞穢語羞忿自盡例杖一百流

因戲寫帖其妻  
犯被殺婦自盡

三千里 道光十一年案

晉撫 題解綽娃與裴解氏之夫裴四幅交好素相  
戲謔因與裴四幅玩美仙取紙條捏寫伊妻解氏與  
解丙寅有姦字樣綽裴四幅看見回向解氏查問致  
氏被汚忿激投繯殞命訊明實係戲謔寫帖並非挾  
嫌有心污蔑將解綽娃比照並未與婦女觀面相謔  
止與其夫互相戲謔婦女聽聞穢語忿自盡例杖  
一百流三千里 道光四年案

將誑騙之人控  
鎖逼迫自盡

河撫 題方際瀛因被騙布疋鎖逼侯孩獨服毒自  
盡該撫比照威力制縛人致死擬絞律量減一等擬  
流本部查威力制縛人致死擬絞之律係專指死於  
制縛之傷而言若制縛之後死由自盡向係照因事  
用強毆打威逼人致死本例定擬不得概援制縛致  
死之條今方際瀛因侯孩獨誑騙伊布疋逃走等情  
後並不送官究追輒用鐵鍊將其拴鎖逼索固屬威  
力制縛惟侯孩獨係因被迫情急自盡並非死於制  
縛之傷應將方際瀛改依威逼人致死如非致命又

威逼人命復捏  
詞誣指旁人

非重傷例杖六十徒一年

道光十四年案○死者應  
不以罪人論候考

河撫 咨王道行因梅起南往觀夜戲向阻爭吵輒  
奪竹桿毆傷梅起南致命左乳等處嗣梅起南走回  
王道行復行趕往欲拉梅起南往見雇主理論以致  
梅起南恐被雇主辭工情急自盡查驗傷痕均係紫  
紅色按威逼人致死致命而非重傷例應擬流乃於  
訊明後又挾王思溫等不肯具保總催之嫌指以王  
思溫等與梅起南同行嚇使縊命等詞塗寫照因希  
圖拖累實屬險惡應酌加一等棍杖一百流二千里

道光五年案

一言致人父女  
地生母亦自盡

挾撫 咨胡七七子之母胡王氏空言污蔑致胡劉  
氏投井身死氏父劉俊升聞知往與胡王氏不依爭  
鬪亦氣忿服毒自盡詎胡王氏畏罪自縊身死一案  
此案胡王氏因劉俊升遣子劉先魁往接伊女胡劉  
氏回歸輒以伊子胡七七子見劉俊升與女胡劉氏  
同炕睡宿之言指為不端肆行斥詈致劉俊升父女  
先後氣忿自盡實屬穢語村辱惟例無婦人與婦人  
口角穢語村辱致父女自盡治罪專條將胡王氏比

照因事與婦女口角穢言村辱以致本婦氣忿輕生  
又致其夫痛妻自盡例擬絞監候業已畏罪自縊應  
毋庸議胡七七子至劉俊升家借宿劉俊升因騰給  
房炕自與其女胡劉氏一炕將就睡宿係屬實有其  
事並非胡七七子平空捏造惟胡王氏所稱劉俊升  
父女不避嫌疑恐有不端之言究由胡七七子告知  
父女一炕同睡而起若遽予免議未免輕縱胡七七  
子應照不應重律杖八十酌加枷號一個月

索欠致人將子  
縊死

川督 咨李賈氏因冉正俸向伊夫李光周逼索擔  
保李光才錢文冉正俸因李光周出外未回疑其藏  
匿在家與李賈氏爭吵將其神桌推倒致李賈氏氣  
忿輕生攜抱年甫一歲之幼子李四一同自縊李賈  
氏繩斷墜地經冉正爵暫見解救以致李四被縊氣  
閉殞命雖已死李四並非被逼之人第李賈氏之情  
急短見將李四縊斃究係該犯逼迫所致將冉正俸  
照威逼人致死律擬杖一百 道光十二年案

索欠致人殺死  
兩子復行自盡

安撫 咨朱有光因佃戶王恒發欠租無償將其地

內大麥割取作抵復令工人張玉催討尾欠並以如  
不清還欲併割小麥之言轉令嚇唬以致其妻王王  
氏聞知忿恨莫釋先將幼子雙孜連孜殺死復自刎  
咽喉殞命該撫以伊子雙孜等幼穉無知係該氏自  
行致死與實在逼斃三命者有間將朱有光照威逼  
一家三命擬軍例量減一等擬徒本部查王王氏與  
雙孜等係屬母子一家三命雙孜連孜雖非甘心與  
伊母同死而王王氏之殺其子復自刎殞命究由該  
犯威逼所致自應罪坐所由駁令該省將朱有光改

毆傷總麻弟之  
雇工致令自盡

雇工罵家長大  
功親致婦自盡

照威逼致死一家三命例發邊遠充軍

道光十年案

川督 奏梅堯剛等京控案內之汪蠻娃係梅堯剛  
雇工素有主僕名分梅堯林係梅堯剛總麻族兄其  
將汪蠻娃毆傷致令自縊身死例無專條查所毆並  
非致命又非重傷若照凡人威逼例擬杖六十徒一  
年未免無所區別將梅堯林照凡人因事用強毆打  
威逼人致死並非致命重傷杖六十徒一年例量減  
一等擬杖一百

道光十二年案

直督 題蔚州家人王升穢語辱罵家長姪媳包陳

卷九

刑律人命

七

威逼人致死

地保索欠爭吵  
致婦女自盡

氏致氏氣忿自縊身死查包陳氏係包牧出繼子媳  
服屬大功王升係包牧家人雖無典賣字據但服役  
業已八年自應酌加問擬將王升照因事與婦女口  
角詈罵婦女一聞穢語氣忿輕生滿流例上加一等  
發附近充軍 道光九年案

直督 咨地保楊世奇因向王馬氏索討幫貼錢文  
不給爭吵致氏氣忿自縊身死查該犯所索幫貼錢  
文係村衆議明舊規並非該地保創始科歛惟究係  
在官人役未便因其並無用強威逼稍為寬縱將楊

革役代為監生  
索公逼斃人命

世奇照成逼人致死滿杖律上加一等杖六十徒一  
年道光十年案

川督 奏渠縣生員楊正常京控案內之黃盛向董  
中立討取借項雖係伊叔黃星耀令伊代討第係該  
犯自行逼索既將董中立之妻楊氏推跌又勒令董  
中立攜銀赴場售賣以致楊氏氣忿自盡督屬逞強  
威逼該犯曾充差役斥革之後猶敢滋事釀命應於  
威逼人致死杖一百上酌加一等杖六十徒一年監  
生黃星耀借給董文受錢文輒令黃盛向中立索董中

立討取以致逼追釀命應照不應重律杖八十係監  
生照律納贖禮部查黃星耀借給董文受錢文椰令  
黃盛向中證董中立討取致董楊氏自盡亦有不合  
惟釀命之由實因黃盛逼強逼索該監生並未自行  
討取核與有心威逼者不同所擬杖八十准其納贖  
道光五年案

宗將偏護書識  
迫迫守備自盡

晉撫 奏新平路叅將塔克興阿袒護書識陳泳祿  
將守備錢萬青呵斥致令氣忿自盡查書識陳泳祿  
因欲將存營地租餘穀糶賣償還前任拖欠藥價錢

文稟經來將塔克興阿飭令守備錢萬青照辦錢萬  
青因餘穀向歸闔營公用當向稟阻陳泳祿不依與  
錢萬青爭吵頂撞迨後該守備向塔克興阿稟訴塔  
克興阿袒護反將錢萬青呵斥致錢萬青用刀自扎  
肚腹殞命查錢萬青雖非陳泳祿本管第係該營中  
軍守備有出納號令約束兵丁之責陳泳祿輒與爭  
吵頂撞釀命應將陳泳祿比照軍民逼迫本管官致  
死爲從例枷號三個月發近邊充軍塔克興阿逼迫  
所屬守備錢萬青自盡雖律無治罪明文惟該叅將

始則偏袒書識將理直並無過犯之屬員呵斥致令  
氣忿自行扎傷肚腹繼復執意欲視傷痕用言赫逼  
致令抓落傷痍殞命復主令把總捏報病故種種險  
詐實屬任性妄為且聽從捏報之把總該撫尙擬以  
滿杖乃僅將該叅將比律奏請責革實屬輕縱塔克  
興阿應比照官員非因公務威逼平民致死律杖一  
百從重請

旨發往軍台効力贖罪

道光九年案

續增刑案匯覽卷九終